

EL DECRETO SOBRE TRIBUNALES ECLESIASTICOS EN COLOMBIA

I

EL DECRETO

SACRA CONGREGATIO DE DISCIPLINA SACRAMENTORUM

DECRETUM

De ordinandis tribunalibus ecclesiasticis provincialibus Ditionis Columbianae

Exc.mus Episcoporum Coetus Columbiae, in America Meridionali, prae oculis habitis:

Iis quae Litteris Apostolicis "QUA CURA", die 8 decembris 1938 Motu Proprio a Pio PP. XI, v.m. datis (A.A.S., XXX, p. 410 ss), pro Tribunalibus ecclesiasticis Italiae salubriter provideque statuta fuere;

Decreto S. Congregationis de Disciplina Sacramentorum diei 28 Ianuarii 1946 (A.A.S., XXXVIII, p. 281 pp.), pro Tribunalibus ecclesiasticis matrimonialibus Ditionis Canadensis Ordinandis;

Decreto eiusdem S. Congr. diei 31 Decembris 1956 (A.A.S., XXXIX, p. 163 ss.), pro Tribunalibus ecclesiasticis matrimonialibus Insularum Philippinarum ordinandis;

Decreto eiusdem S. Congr. diei 16 Februarii 1965 pro Tribunalibus Ecclesiasticis Massilien. et Aquen. constituendis, ad causas nullitatis matrimonii octo dioecesium Galliae meridionalis pertractandas;

Decreto eiusdem S. Congreg. diei 17 Februarii 1965 pro Tribunalibus Ecclesiasticis Tolosan. et Ruthenen. constituendis, ad causas null. matrimonii aliarum undecim dioecesium Galliae.

Decreto S. Congregationis Consistorialis diei 18 Maii 1965 (A.A.S., LVII, p. 1006 ss.), "Tolosanae Ruthenensis et aliarum. De causis agendis", quo praecedens Decretum extensum fuit ad causas sive contentiosas sive criminales;

Perpensis gravibus difficultatibus, quas idem Coetus, praesertim in praesentiarum, experitur, ob sacerdotum penuriam, qui ad iudiciariam laborem incumbant, ad propria ac idonea Tribunalia constituenda, a S. Congregatione De Disciplina Sacramentorum postulat ut, prorogata a S. Congr. Consistoriali competentia ad causas sive criminales sive contentiosas et a S. Congreg. de Fide Prop. pro locis Missionum pertractandas, Tribunalia ecclesiastica Ditionis Columbianae prout sequitur, ordinentur:

Constituantur tribunalia provincialia ad causas universas, sive matrimoniales (formales, summarias, coniugum separationis) sive contentiosas sive criminales pertractandas.